



Alliance Women Ministries

of The Hmong District of The Christian and Missionary Alliance

Mailing Address: 5142 Melody Lane, Kansas City, KS 66106

Email Address: awdirector@hmongdistrict.org

June 10, 2020

Hwm Txog Cov Thawjcoj thiab Cov Vivncaus Ntawm Txhua Pawg Niamtsev,

Kuv ua Vajtswv tsaug uas Nws txoj hmoovhlub tiv thaiv sawvdaws, thiab ua Vajtswv tsaug uas sawvdaws nyob ruaj khov, kub siab lug ua Vajtswv haujlwm txawm yog muaj ntau yam xwmtxheej li uas peb niaj hnuv hnov thiab pom. Txawm yog kuv tsis nrog sawvdaws nyob koom zej koom zos, los kuv lub siab thiab txoj kev thov Vajtswv nrog sawvdaws. Kuv zoo siab ib yam li thaum xibhwb Paulus sau ntawv rau cov ntseeg hauv Filipis thiab Kaulauxais; nws haistias, ***“Thov Vajtswv uas yog peb Leej Txiv thiab tus Tswv Yexus Khetos pub txoj hmoovhlub thiab kev nyabxeeb rau nej. Txhua zaus uas kuv xav txog nej, kuv yeej nco ntsoov ua kuv tus Vajtswv tsaug; thiab txhua zaus uas kuv thov Vajtswv pab nej sawvdaws, kuv yeej thov nrog txoj kev zoo siab.”*** Filipis 1:2-4. Thiab nyob rau hauv Kaulauxais 2:5 haistias, ***“Txawm yog kuv nyob deb nej los kuv lub siab yeej nrog nraim nej nyob, thiab kuv zoo siab kawg li, vim kuv pom tias nej sawvdaws koom tau ib lub siab thiab nej txoj kev ntseeg nyob ruaj khov rau hauv Yexus Khetos.”*** Vajtswv yog tus zoo txhua lub sijhawm! Cia peb ruaj siab rau Nws.

Nov yog qee yam dejnum uas kuv thiab cov tsavxwm xav qhia rau txhua pawg niamtsev xwsl:

- 1) Kuv twb sau ntawv rau txhua pawg niamtsev thaum lub April hais txog xyoo 2020 tsis muaj lub rooj sablaj txwmxxyoo vim tus kab mob (COVID) 19. Yog li ntawd, KHN yuav tau yoog rawsli HKM txog cov haujlwm, kev xaivtsa, thiab nyiajtxiag rau xyoo 2021.

Muaj 4 lub meejmom tag sijhawm thiab yuav raug xaiv rau thaum rooj sablaj txwmxxyoo xwsl: Lub meejmom lwm tsavxwm, teevntawv, tsavxwm (tuavxam) thiab tshuaj nyiaj.

Lub rooj tsavxwm KHN tau pomzoo txuas hnuvnyoog ib lub xyoo ntxiv rau cov meejmom no txog rooj sablaj xyoo 2021 mam xaiv; tshwj lub meejmom teevntawv.

Rawsli Kevcai Tswjhwm thiab Kabke Khiav Haujlwm ntawm KHN, ib lub meejmom twg tsuas ua tau 3 zaug (term) sib law xwb. Tus teevntawv twb ua tau 3 zaug sib law lawm, yog li ntawd yuav tsis txuas hnuvnyoog rau lub meejmom teevntawv. Cov tsavxwm KHN mam taw ib lub npe rau lub meejmom teevntawv xwb. Tom qab taw tau lawm, mam qhia rau txhua pawg niamtsev paub.

A) Cov uas txuas hnuvnyoog ib lub xyos ntxiv xwsli pib haujlwm rau lub August 2020 - July 2021 yog:

- i. Meejmom lwm tsavxwm yog N. Kx. Ntsum Thaiv Vaaj
- ii. Meejmom tsavxwm yog N. Txooj Vaj Muas
- iii. Meejmom tshuaj nyiaj yog N. Txawj tshaj Vaj

B) Nyiajtxiag:

Kev kom nyiajtxiag thiab siv nyiaj, yuav siv txhua yam raws nraim li cov homphiaj nyiaj uas komtseg (budget) rau xyoo 2020, yog \$94,100.00

2) Tshabxo txwmxyoo:

Cov ntawv tshabxo txwmxyoo muab xa tuaj uake nrog tsab ntawv no. Muaj ib qho yog KHN cov kev tshabxo, muaj ib qho yog HKM phau ntawv tshabxo. KHN qhov kev tshabxo ua nyob rau hauv HKM phau yog nyob rau ntawm nplooj ntawv 57-63.

KHN yuav muab qhov kev tshabxo tso rau hauv KHN li vas-sab, yog leejtwg xav mus saib los tau. Tsis tag li ntawd, thov cov tsavxwm pawg niamtsev muab KHN qhov kev tshabxo luam rau cov niamtsev.

Muaj qee pawgntseeg muaj pehawm Vajtswv nraum zoov ntawm tuamtsev qhov chaw nres tsheb uas yog nyob hauv tsheb xwb, feem coob yeej tseem tsis tau muaj sib txoos pehawm Vajtswv hauv lub tuamtsev. Txawm li ntawd los, thov Vajtswv txhawb ib tsoom vivncaus zog kom peb txoj kev ntseeg ruaj khov thiab kub siab rau Vajtswv tes haujlwm.

Thov Vajtswv foom hmoov zoo thiab nrog nraim txhua tus.

Tso Dim Los Koomtes Ua Vajtswv Dejnum Uake Rawsli Raug Hu,

N. Ntxhi P. Thoj

N. Ntxhi Pov Thoj - Thawj Tsavxwm KHN

cc: Cov Tsavxwm KHN